

Raxmanova Nasiba Abdunazarovna

Samarqand viloyati Narpay tumani

64- umumta'lif maktabi

Biologiya fani o'qituvchisi,O'IBDO'

Tabiat - keng ma'noda , olam va uning xilma-xil shakllari; tor ma'noda - kishilarning moddiy va ma'naviy ehtiyojlarini qondirish manbai bo'lgan atrof tabiiy muhit. Jamiyat va tabiat tizimini ko'rib chiqayotganda ikkinchi tor ma'nodagi tushuncha qo'llaniladi. Chunki inson o'zining hayoti davomida butun borliqdan emas, balkim uni o'rabi turuvchi va uning ta'siri doirasida turgan atrof tabiiy muhittidan foydalanishi mumkin. Shu tariqa insoniyat tarixida jamiyat bilan tabiat ortasida to'xtovsiz va xilma-xil o'zaro ta'sirlar ro'y berib kelgan. Ammo tabiat insonlarsiz bu moddiy dunyoda hukm surib kelgan, lekin insonlar tabiatning bir bo'lagi bolib, ular tabiatsiz hayot kechira olishmaydi. Insonlar o'z hayoti uchun zarur bo'lgan hamma narsani tabiatdan oladi. Masalan, oziq-ovqat mahsulotlari, kiyim-bosh uchun xom ashyo, qurilish uchun binokorlik materiallari, nafas olish uchun atmosfera havosi, o'chish uchun suv, dam olish uchun go'zal landshaftlar va h.k. Shunday qilib inson hayoti davomida foydalanilgan hamma narsalar tabiiy modda va kishilar faoliyatining mahsulidir.

Inson - tirik organizmlar turkumiga kiruvchi murakkab ijtimoiy va mehnat faoliyatini yurgazuvchi individ. Inson tarixiy - jamoat jarayoni subyekti bo'lib, u Yer kurrasidagi moddiy va ma'naviy-madaniy rivojlanishning asoschisidir. Inson boshqa turdag'i tirik mavjudotlar bilan genetik bog'langan holatda, lekin ulardan ongingi yuqoriligi, mehnat quollarini ishlab chiqara olishi, nutqning rivojlanganligi, ijodiy faolligi, ham axloqiy, ma'naviy va ruhiy o'z - o'zini anglay olishi bilan ajralib turadi.

Jamiyat - keng ma'noda insonlarning tarixan qaror topgan birgalikdagi faoliyatları majmui yoki tor ma'noda - ijtimoiy munosabatlarning konkret tipi. Shunday qilib, aqliy mehnat faoliyatiga ega bolgan insonlar yig'indisi bo'lgan jamiyat atrof tabiiy muhit bilan passiv (sust) emas, balkim aktiv (faol) ta'sir doirasida bo'lishi muqarrardir. Agarda jamiyat va tabiat o'rtasidagi o'zaro munosabatlarga inson hayotining tarixi nuqtai nazaridan qaraydigan bo'lsak, ularni quyidagi munosabat shakllariga ajratsak bo'ladi: oddiy, oddiy-iqtisodiy, iqtisodiy, iqtisodiy-ekologik, ekologik.

Jamiyat va tabiat ortasidagi oddiy munosabat shakli - kishilarni ekologik tizimni buzmaydigan soddalashtirilgan hayot tarzi. Ekologik tizim (ekotizim) - tirik organizmlar majmui va ularning yashash muhiti yig'indisi bo'lib, tirik organizmlar o'zaro va atrof tabiiy muhit bilan uzviy aloqadorlik qonuniyati asosida bo'lgan holati. Bu shakl kishilarning ibridoij jamoa tuzumidagi hayot tarziga, ya'ni insoniyat

tarixining ilk ijtimoiy-iqtisodiy formatsiyasi davriga xosdir. Bu davr o‘z ichiga odamlarning Yer kurrasida paydo bo‘lishi (3-4 mln. yil avval) davridan to sinfiy jamiyat yuzaga kelguniga qadar muddatni o‘z ichiga oladi. Ibtidoiy odamlarda ishlab chiqarish kuchlari va qurollari nihoyatda past darajada bo‘lganligi tufayli ularning hayot tarzi tabiatning ajralmas bir oddiy bo‘lagi sifatida namoyon bo‘lgan. Atrof tabiiy muhit holati esa tirik organizmlar uchun nisbatan qulay - ekologik xavfsiz muhit deyish mumkin. Kishilar faoliyatining tabiatga oddiy-iqtisodiy ta’siri davrida ma’lum bir hududlarda sezilarli darajada ekologik xavfsiz muhitga ta’sir etgani uchun ham qadimgi yozuv va qonun kuchiga ega bolgan kitoblarda tabiatga nisbatan insonlarning ehtiyyotkorona munosabatda bo‘lishlari korsatilib otilgan. Masalan, Zardushtlarning "Avesto" kitobiga binoan bolalar yoshligidanoq daraxt ko’chatini o’tkazishlari shart bo‘lgan.

Inson butun umri davomida suv, tuproq, olov, umuman dunyodagi jamiki yaxshi narsalarni pok va bus-butun asrashga burchlidir. Farzandlarimizga yoshligidanoq tabiatga ijobiy munosabatda va ekologik madaniyatni ongida rivojlantirishga harakat qilishimiz kerak. Tabiat va inson doimiy uyg'unlikda yashashi va tabiat in’omidan oqilonha foydalanishni o’rgatishimiz joizdir. Yosh avlodning ekologik tarbiyasi bugungi kun-dolzarb masalasi ekan, biz, avvalo, ekologiyaning foydasini, uni asrab-avaylashni bolalarga yoshlikdan o’rgatib borishimiz zarur. Ekologik duyonqarashni shakllantirishning negizi oiladagi tarbiya va ta’lim muassasalariga bevosita bog’liqidir. Ajodolarimiz bola tarbiyasi masalasiga alohida e’tibor bilan qaraganlar va bu borada ibratli an’analarni vujudga keltirganlar. Bolalar go’daklik chog’laridanoq axloqiy va mehnat tarbiyasini oilada boshlaganlar. Ularda mehnatga muhabbat, atrof-muhitga hurmat, obodonchilik va ko’kalamzorlashtirish hissi sabot bilan singdirilgan. Masalan, atrofni ifoslantirmaslik uchun axlatlarni alohida chuqurchalarga tashlash, hojatxonalarini ariq, soy, buloq suvlaridan uzoqroq joyda kovlash, yong‘in chiqmasligi chorasi ko‘rish, turli ehtiyojlar uchun yashnab turgan daraxt emas, balki qurib qolganlaridan foydalanish, nihollarni sindirib, payxon qilmaslik, qushlarning uyasini buzmaslik kabi xatti-harakatlar shakllantirilgan. Oila davrasida farzandlarga «Suvga tuflama, uni iflos qilma, chunki barcha jonivorlar uni ichib bahra oladi», «Gullab turgan mevali daraxtning shoxini sindirma, u meva beradi, uni o‘zing iste’mol qilasan», «Pishib yetilmagan uzumni uzma, agar uzsang katta gunoh ish bo‘ladi. Chunki unda ahli mo‘minning nasibasi bor» – deb pandu-nasihatlar qilganlar. Bolalarda tabiatda o‘zini tutish malakasini, atrof-muhitni muhofaza qilish tuyg‘usini tarbiyalash, hamda ularning tabiat va atrof-muhit jarayonida faol ishtirok etishlari lozim “Ekologik madaniyat” degan tushuncha zamirida ayni shu xolatlarni anglab, fikrlab munosabat ko‘rsatish, tabiat va jamiyat qonunlariga mos tarzda hayot kechirish talablari mujassamdir. Ekologik madaniyat ham umuminsoniy madaniyatning ajralmas qismi bo‘lib, uning muhim ko‘rsatkichi hisoblanadi.